

SCRIPT OF EVENING GOJRI NEWS BULLETIN 31JULY 1700 HRS

ایویننگ گو جری نیوز بلیٹن مو رخہ 31 جولائی 2025

HEADLINES

- ۱۔ لیفٹیننٹ گورنر منوج سنہا نے پوتر سری امرناتھ جی یاترا غا انتظامات مانہہ شامل تمام شراکت داراں گو شکریو ادا کیوتے درشن کرن آلا غی تعداد نے 4 لکھ غو ہندسو عبور کیو۔
- ۲۔ امرناتھ یاترا بالٹال توں دوبارہ شروع ہوئی ت پہلگام آلے رستے یاترا اجیں وی معطل ہے۔
- ۳۔ وزیر اعلیٰ عمر عبداللہ تے گجرات غا وزیر سیاحت مولو بانی بیرا نے احمد آباد مانہہ سیاحتی میلہ گو افتتاح کیو۔
- ۴۔ چیف سیکرٹری نے ملک گیر یووا کننٹ پروگرام واسطے جموں کشمیر غی یونیورسٹیاں غی تیاریاں غو جائیزو لیو۔
- ۵۔ قومی بورڈ نے نیٹ پی جی 2025 غا داخلہ کارڈ جاری کیو ہے۔

AMARNATH YATRA

لیفٹیننٹ گورنر مونجس نہا نے اج پوتر سری امرناتھ جی یاترا غا ۴ لکھ درشناں گی تعداد نناہ عبور کرن غے بعد تے اس غا انتظامات کرن مانہہ شامل ہون آلا تمام شراکت داراں گو شکریو ادا کیو لیفٹیننٹ گورنر نے ایکس ور ایک پوسٹ مانہہ کہیو جے بابا امرناتھ نا ممکن نناہ ممکن بناوے انہاں نے کہیو کہ جے اُن غی دُعا سنگ اج پوتر یاترا نے ۴ لکھ غو ہندسو پار کیو ہے انہاں نے کہیو جے اوں اس معجزہ واسطے بھگوان شیو غے اگے مٹھو ٹیکو تے پوتر یاترا گا عقیدت منداں واسطے ایک آلہی تجربہ بنان مانہہ شامل ہر فرد گو شکریو ادا کیو قابل ذکر ہے جے ملک تے دنیا بھر تیں درشن کرن آلا عقیدت منداں غی آمد بھارت غا اتحاد ت للکاراں ور قابو پان گا عزم گو ثبوت ہے۔

AMARNATH YATRA RESUME

بالٹال رستہ تیں امرناتھ یاترا گزشتہ روز نانہہ دوبارہ شروع ہو گئی ہے ایک دن بعد جد اس نانہہ تیز بارشاں گ ے باعث روک دتو گیو تھو تے پہلگام رستہ تیں یاترا ہن توڑی معطل ہت کیونجے اُت فوری مرمت تے بحالی غو کم جاری ہے کشمیر مانہہ شدید بارشاں غے باعث رستاں غیر محفوظ ہو گیا ہیں جس تیں بعد بدھار آلے روز بالٹال تے پہلگام دوئے رستاں تیں یاترا روک دتی گئی تھی مہاراشٹرہ تیں آیا وا یاتری ویویک جہیڑا بالٹال رستہ تیں سری امرناتھ جیسی یاترا ور ہیں انہاں نے حفاظتی انتظامات صفائی تے لنگر غی سہولیات سمیت تمام انتظامات ور دلی اطمینان تے شکریہ غو اظہار کیو ہے انہاں نے کہیو کہ یوہ ایک بالکل محفوظ پر سکون ت یروحانی طورور سکون بخش سفر ہے انہاں نے مزید اس طرح کہیو۔

CM TRAVEL FAIR

وزیر اعلیٰ عمر عبداللہ نیاج گجرات غا سیاحت غا وزیر مولو بانی بھیرا غے نال احمد آباد مانہہ سیاحتی میلہ غو افتتاح کیو جس مانہہ جموں کشمیر غی شاندار سیاحتی صلاحیتاں نانہہ پیش کیو گیو اس موقع ور وزیر اعلیٰ غا مشیر ناصر اسلم وانی ایم ایل اے

پہلگام الطاف کچلو تے ایم ایل اے گلمرگ فاروق شاہ وی موجود تھا عمر عبداللہ نے اس موقع ور لوکاں نانہ دعوت دتی کہ وہ جموں کشمیر غی بے مثال خوبصورتی ثقافت تے مہمان نوازی نانہ دیکھن آویں۔

PADMA AWARDS

پدما اعزاز واسطے نامزدگی تے سفارشات غی آخری تاریخ 15 افسست توڑی بدھ گنی بے ان اعزاز واسطے نامزدگی صرف راشٹریہ پرسکار پورٹل ور آن لائن ہی قابل قبول کی جیں گی پدما اعزاز 2026 غی نامزدگی گو اعلان یوم جمہوریہ 2026 غا موقع ور کیا جیں گا۔

SUB ORDINATE LEGISLATION COMM

موثر تے بغیر کسی رکاوت غی خدمات غی فراہمی غی ضرورت ور طور دیتا واں جموں کشمیر قانون ساز اسمبلی غے ماتحت قانون سازی غی کمیٹی نے عام لوکاں واسطے شفاف زمین غی منتقلی کا طریقہ کار تے سارف دوست مالی سروس غی اہمیت ور زور دتو کمیٹی نے اپنا خیالات گو اظہار کل سرینگر غا اسمبلی کمپلیکس مانہ محکمہ مال غی طرفوں واضع کردہ قواعد وضوابط تے ضمنی قوانین غو جائیزو لین واسطے بلانی گنی ایک میٹنگ غے دوران کیو۔ اجلاس غی صدارت کمیٹی کا چنیر مین حسنین مسعودی نے کی جس نے انصاف تے مساورت نانہ یقینی بنان مانہ زمینی قوانین غا اہم کردار ور لو کہلی تے عوامی بہبود واسطے کمیٹی کا عزم غو اعداد کیو۔

CS VBYCP

چیف سیکرٹری اٹل ڈلو نے اج وکست بھارت یووا کننکٹ پروگرام غی تیاریاں غو جائیزو لیو یوہ پروگرام بھارت غا وزیر اعظم کی رہنمائی مانہ شروع کی وجاریو بے تے یوہ پورا ملک مانہ 12 اگست 2025 نانہ بین العقوامی نوجوان تہاڑا غا موقعور شروع وے غو یوہ پروگرام جہیڑو وزارت امور نوجواناں تے کھیڈ بارے بھارتی حکومت غی قیادت مانہ چلایو جاریو بے تے اس غو مقصد نوجواناں نانہ بھارت غی ترقی غا سفر مانہ ایک اہم کردار ادا کرن واسطے متحرک تے باختیار بنانو بے تانجے 2047 توڑی ایک وکست بھارت یعنی ترقی یافتہ بھارت بناو جاسکے چیف سیکرٹری نے ملک غی 10 یونیورسٹیاں غا وائس چانسلر تیں اُن غی تیاریاں گا بارا مانہ جانکاری لی چاہے وہ پروگرام تیں پہلاں غی سرگرمی ویں یا 12 اگست نانہ ہون آلا مرکزی پروگرام غی تیاری وے۔

NEET PG 2025

طبی سائنس بارے امتحاناں غا قومی بورڈ نے باضابطہ طورو ر نیٹ پی جی 2025 امتحان غا ہال ٹکٹ جاری کردتا ہیں جن امیدواراں نے امتہان واسطے اندراج کرایو بے وے اُن طبی سائنس بارے امتہان غا قومی بورڈ کی آفیشل ویب سائٹت ور جاغے اپنا ہال ٹکٹ ڈاولوڈ کرسکیں۔ نیٹ پی جی 2025 غو امتحان 3 nbe.edu.in اگست ۲۰۲۵ نانہ ہون آلو بے امیدوار داخلہ امتحان غی سیکشن غے تحت نیٹ پی جی 2025 غے تحت ویب سائٹت تو ہال ٹکٹ ڈانلوڈ کرغے مستقبل کا حوالہ سنگ پرچی نانہ پرنٹ کراغے محفوظ رکھیں۔

CAPEX PLAN

ضلع ترقیاتی کونسل ریاسی غی میٹنگ اج ڈی سی آفس کمپلیکس مانہ ضلع ترقیاتی کونسل غا چنیر پرسن سرف سنگھ ناگ غی صدارت مانہ طلب کی گئی تانجے مالی سال 2025-26 غا ضلع کپیکس پلان غے تحت ترقیاتی منصوبہ نانہ حتمی شکل دتی جاسکے اجلاس مانہ ڈی ڈی سی غی وائس چنیر پرسن سانجرا قادر ڈی ڈی سی ممبران تے دیگر ضلعی افسراں وی موجود تھا چیف پلاننگ افسر ریاسی نے ایک جامع پاور پائینٹ پرزینٹیشن پیش کی جس مانہ مختلف کماں واسطے مختص فنڈ سیکٹرواز مختص کرن بارے تفصیل دتی شروعات مانہ اے ڈی ڈی سی ریاسی سوکادر سنگھ سمیال نے ڈی ڈی سی چنیر پرسن نانہ جاری ترقیاتی سرگرمیاں بارے آگاہ کیو۔ اس موقعور بولتا واں ڈیڈی سی چنیر پرسن سارف سنگھ ناگ نے کج اس طرح کہیو۔

DC KISHTWAR JKCIIP

ڈپٹی کمشنر کشتواڑ پنکج کمار شرما نے اج ایک جائیزہ میٹنگ غی صدارت کی تانجے ضلع مانہ جموں کشمیر زراعت تے متعلقہ شعبہ غی بہتری غا منصوبہ غی پیش رفت غو جائیزو لیو جاسکے میٹنگ غے سدوران ڈپٹی کمشنر نے محکمہ زراعت غا جائے مقام ور کم کرن آلا افسراں انہہ ہدایت دتی کہوے جے کے سی آئی پی غا مختلف شعبواں جسراں کہ زعفران طبی و خوشبودار پودا پانی غا نظام حفاظتی کاشت مشروم غی کاشت تے شہد گی پیداوار غے تحت درخواستاں کی تعداد مانہ اضافو کریں دسیو جارہیو بے کہ ہن توڑی گل 9 درخواست موصول ہوئی ہیں۔

SHEEP HUSBANDRY

رام بن مانہ انٹی گریٹڈ شیپ ترقیاتی سکیم یعنی پیڈ تے بکریاں کی کھیتی نانہ فروغ دین تے افراد تے گنہ واسطے آمدنی بدان واسطے ایک سرکاری قدم بے اس سکیم نانہ پیڈ پالن غا محکمہ رام بن غے ذریعے لاگو کی وجارہیو بے یہ پیڈاں تے نکریاں غی اکائیوں کشرن آلا یونٹاں تے متعلقہ بنیادی ڈھانچہ گا قیام واسطے مالی مدد فراہمکتے آئی ایس ڈی ایس غو مقصد پیڈاں تے بکریاں غا یونٹاں غا قیام غے ذریعے آمدنی پیدا کرن غا نوا مواقع پیدا کرنو بے تاہم یو گوشت تے اون غی پیدا وار نانہ بدان ور وی مقدادی تے معیاری طور ور توجہ مرکوز کرے اس سلسلہ مانہ پیڈ پالن محکمہ گا ضلع افسر داکٹر شبیر احمد خان نے گل بات کرتا واں کج اس طرح کہیو۔

AAKANSHA HAAT

ضلع انتظامیہ رام بن ایک شاندار 7 روزہ اکانشا ہاٹ میلہ غو انعقاد کر رہی بے جہیزو 2 گاست 2025 تیں تہاڑی غا 2 بجے تیں ٹی چوک رام بن غا کمیونٹی ہال مانہ شروع وے غو اس میلہ مانہ مختلف محکماں گا عارجی ضیمہ نمائشیں مقامی مصنوعات غی فروخت تے موقع ور عوامی سہولیات دستیاب وین غی جس غو مقصد مقامی لوکاں نانہ باختیار بنانو تے انہاں نانہ فائدو پُجانو بے ضلع انتظامیہ نے عام عوام نانہ دعوت دتی بے کہ اس بڑا پروگرام مانہ بھر پور شرکت کری تانجے یوہ میلو کامیاب وے تے ضلع مانہ جامع ترقی تے عوامی فلاح غا کواب نانہ حقیقت بنایو جاسکے۔
